



Belma Čutura

24.06.2025. 15:41

Pogledano: 108 puta

Radionice Mladog kutka

Izdavačka kuća Buybook polaznike vrtića, centara i udruženja poziva na radionice Mladog kutka u okviru desetog Međunarodnog festivala književnosti Bookstan (2. do 4.7) u Američkom kutku Sarajevo.

Događaj

02.07.2025. 00:00 - 04.07.2025. 00:00

Uživo

Američki kutak Sarajevo - Radićeva, 7

Riječ je o kreativnim i interaktivnim radionicama za djecu, koje ne zahtijevaju prethodno čitanje knjiga – dovoljno je samo malo radoznalosti i želje za igrom i druženjem.

Program:

		SRIJEDA 2. juli	ČETVRTAK 3. juli	PETAK 4. juli
14 00	AMERIČKI KUTAK	Radionica "Buybook" EHLIMANA MUŠIJA <i>Asja, ribareva kći</i> radionicu vode Ehlimana Mušija Irma Alimanović Alikadić Mirela Zagorčić Bakšić	Radionica "Šatorčić" SUSANNA ISERN <i>Vjeverica ne zna reći ne</i> <i>Rakun uvijek želi biti prvi</i> <i>Lisac lažljivac</i> radionicu vodi Sandra Mehmedović	Radionica "Buybook" NACRTAJ MI PRIČU radionicu vode Hanna Mujagić
	AMERIČKI KUTAK	Radionica "Bajkologija i Francuski institut u BiH" ALICE METEIGNIER <i>Gospodin Leptir</i> radionicu vodi Anela Hakalović	Radionica "Patuljak-Crtuljak" ČAROBNA STRANA 10. BOOKSTANA radionicu vodi Leila Kulenović	Radionica "Buybook"* FUNDA ÖZLEM ŞERAN EZGI KELEŞ <i>Iznenadenje</i> radionicu vode Funda Özlem Şeran Ezgi Keleş

Opis radionica:

- **Asja, ribareva kći, Ehlimana Mušija** – najmlađi posjetioci Bookstana će na Mladom kutku imati priliku upoznati Asju, veselu devetogodišnjakinju iz slikovitog primorskog sela, koja ljeta provodi istražujući skrivene uvale, pomažući susjedima i otkrivajući čuda mora. Asja je ribareva kći s velikim srcem, nezasitnom znatiželjom i ljubavlju prema prirodi – svaki dan za nju je nova avantura uz šum valova i miris borova. S kistom u ruci, školjkama u džepu i osmijehom na licu, Asja dokazuje da pravo bogatstvo ljeta nisu stvari, već prijateljstvo, dobro srce i more.
- **Gospodin leptir, Alice Meteinier** – radionica je zamišljena kao kombinacija dijalogoškog čitanja i kreativne aktivnosti, zasnovana na slikovnici Gospodin Leptir. Cilj radionice je upoznati djecu

sa sadržajem priče i podstaći ih na razmišljanje o temama prihvatanja, različitosti i samopouzdanja. Gospodin Leptir je duhovita i dirljiva priča autorice Alice Meteignier, koja djecu vodi na šareno i emotivno putovanje kroz svijet predrasuda i unutrašnjih vrijednosti. Radnja je smještena na glamurozni izbor za Mister Leptira, gdje se ističe savršeni kandidat, veličanstveni leptir čije prisustvo oduzima dah. No, u trenutku pobjede, maska savršenstva se ruši - otkriva se da je u pitanju običan crv. Šok publike prerasta u pitanje: šta zapravo čini nečiju vrijednost? Slikovnica nosi snažnu poruku o važnosti prihvatanja sebe i drugih onakvima kakvi jesmo.

- **Knjige Susanne Isern** – Vjeverica ne zna reći ne, Rakun uvijek želi biti prvi, Lisac lažljivac – interaktivne radionice o knjigama jedne od najpopularnijih španskih autorica. Sve one nose važne poruke za djecu: o važnosti postavljanja granica i učenju kako reći „ne“, o štetnosti laganja, te o tome zašto nije uvijek najvažnije biti prvi. Kroz zabavne i edukativne radionice djeca će na interaktivan način upoznati likove, učiti o emocijama, pravilima ponašanja i razvijati socijalne vještine.
- **Radionica Patuljak-Crtuljak** – najmlađi posjetioci Mladog kutka će s Leilom Kulenović, ilustratoricom i autoricom književno-umjetničkog brenda Patuljak-Crtuljak, čitati priče, crtati i bojiti. Spremite se za sjajnu zabavu i nezaboravno kreativno iskustvo!
- **Radionica Nacrtaj mi priču** – voditeljica bit će bosanskohercegovačka dizajnerica Hanna Mujagić, ilustratorica više poznatih slikovnica. Najmlađe posjetioce uvest će u čarobni svijet ilustracija kroz igru, kreativnost i maštu, a imat će priliku i stvoriti svoje prve likove i priče.
- **Iznenadjenje, Funda Özlem Şeran i Esgü Keleş** – iz Turske nam stižu autorica i ilustratorica kako bi predstavile slikovnicu Iznenadjenje u čijem središtu je usamljeni dječak čiji se život mijenja kada jedne večeri pronađe napušteno maće. Ova nježna i dirljiva priča govori o snazi prijateljstva, važnosti brige za druge i ljepoti neplaniranih susreta. Slikovnica istražuje teme usamljenosti, saosjećanja i emocionalne povezanosti.

Collections

Igra i rad